

水經注卷二十六



漢 桑 欽 撰

後魏 酈 道元 注

洙水 巨洋水 淄水

汶水 濰水 膠水

洙水出琅邪東莞縣西北山漢地理志南至水出琅邪

泗過郡三行七百一十里青州寢

大弁山與小太山連麓而異名也引控衆流積以

成川東南流逕邳鄉南南去縣八十許里城有三

水經注  卷二十六 一

面而不周於南故俗謂之半城洙水又東南范左

右峴水水北出大峴山東南流逕邳鄉東東南流

注于洙水也

東南過其縣東

洙水左與箕山之水合水出東諸縣西箕山劉澄

之以爲許由之所隱也更爲巨謬矣其水西南流

注于洙水也

又東南過莒縣東

地理志曰莒子之國盈姓也少昊後列女傳曰齊

譚云今之窮  
□伎巧者豈  
□帶飾金  
□而哉始  
知古人之朴

人杞梁殖襲莒戰死其妻將赴之道逢齊莊公公  
將弔之杞梁妻曰如殖有罪君何辱命焉如殖無  
罪有先人之弊廬在下妾不敢與郊弔公旋車弔  
諸室妻乃哭於城下七日而城崩故琴操云殖死  
妻援琴作歌曰樂莫樂兮新相□悲莫悲兮生別  
離哀感皇天城爲之墜卽是城也其城三重並悉  
崇峻唯南開一門內城方十二里郭周四十許里  
尺子曰莒君好鬼巫而國亡無知之難小白奔焉  
樂毅攻齊守嶮全國秦始皇縣之漢興以爲城陽  
水經注 卷二十六 二

國封朱虛侯章治莒王莽之莒陵也光武合城陽

國爲琅邪國以封皇子京雅好宮室窮極伎巧璧

帶飾以金銀明帝時京不安莒移治閭陽矣後漢書作

章帝時又云移治開陽 沭水又南袁公水東出清山尋坤維

而注沭沭水又南潯水注之水出於巨公之山西

南流舊竭以溉渚田東西二十里南北十五里潯

水又西南流入沭沭水又南與葛陂水會水發三

注山西南流逕辟城城南世謂之辟陽城史記建

元以來王子侯者年表曰漢武帝元朔二年封城

陽共王子劉侯劉壯爲侯國也其水於邑積以爲陂謂之辟陽湖西南流注于沭水也

又南過陽都縣東入于沂

沭水自陽都縣又南會武陽溝水水東出倉山山上有故城世謂之監官城非也卽古有利城矣漢武帝元朔四年封城陽共王子劉釘爲侯國也其城因山爲基水導山下西北流謂之武陽溝又西至卽丘縣注于沭沭水又南逕東海郡卽丘縣故春秋之祝丘也桓公五年經書齊侯鄭伯如紀城

水經注

卷二十六

三

祝丘左傳曰齊鄭朝紀欲襲之漢立爲縣王莽更之曰就信也郡國志曰自東海分屬琅邪闕駟曰卽祝魯之音蓋字承讀變矣沭水又南逕東海厚丘縣王莽更之祝其亭也分爲二瀆西南出今無水世謂之枯沭一瀆南逕建陵縣故城東漢景帝八年封石綰爲侯國史記年表作衛綰王莽更之曰付亭也沭水又南逕陵山西魏正元中齊王之鎮徐州也立大竭遏水西流兩瀆之會置城防之曰曲沭戍自流三十里西注沭水舊瀆謂之新渠自厚

丘西南出左會新渠南入淮陽宿預縣注泗水地理志所謂至下邳注泗者也經言於陽都入沂非矣沐水左瀆自大堰水斷故瀆東南出桑堰水注之水出襄賁縣泉流東注沐瀆又南左合橫溝水水發瀆右東入沐之故瀆又南暨于堰舊本作于渴蓋竭故城西春秋左傳楚執鍾吾子以爲司吾縣王莽更之息吾也又西南至宿預注泗水也沐水故瀆自下堰東南逕司吾城東又東南歷柎口城中柎

水經注

卷二十六

四

水出於楚之柎地春秋襄公十年經書公與晉及諸侯會吳于柎京相璠曰宋地今彭城偃陽縣西北有柎水溝去偃陽八十里東南流逕偃陽縣故城東北地理志曰故偃楊國也春秋左傳襄公十年夏四月戊午會于柎晉荀偃士匄請伐偃陽而封宋向戌焉荀瑩曰城小而固勝之不武弗勝爲笑固請丙寅圍之弗克孟氏之臣秦堇父輦重如役偃陽人啟門諸侯之士門焉縣門發鄆左傳作郟人紇挾之以出門者狄虓彌建大車之輪而蒙之以

甲以爲櫓左執之右拔戟以成一隊孟獻子曰詩所謂有力如虎者也主人縣布堇父登之及堞而絕之墜則又縣之蘇而復上者三主人辭焉乃退帶其斷以徇於軍三日諸侯之師久於偃陽請歸智伯怒曰七日不克爾乎取之以謝罪也荀偃士匄攻之親受矢石遂滅之以偃陽子歸獻于武宮謂之夷俘偃陽妘姓也漢以爲縣漢武帝元朔三年封齊孝王子劉就爲侯國王莽更之輔陽也郡國志曰偃陽有相水柎水而南亂于沂而注于沭

水經注

卷二十六

五

謂之柎口城得其名矣東南至胸縣入游注海也巨洋水出朱虛縣泰山北過其縣西

泰山卽東小泰山也巨洋水卽國語所謂具水矣袁宏謂之巨昧王韶之以爲巨蔑亦或曰胸瀾皆一水也而廣其目焉其水北流逕朱虛縣故城西漢惠帝二年封齊悼惠王子劉章爲侯國地理風俗記曰丹山在西南丹水所出東入海丹水由朱虛丘阜矣故言朱虛城西有長坂遠峻名爲破車峴城東北二十里有丹山世謂之凡山縣在西南

非山也丹凡字相類音從字變也山導丹水有二源各導一山世謂之東丹西丹水也西丹自穴山北流逕劇縣故城東東丹水注之出方山山有三水一水卽東丹水也北逕縣合西丹水而亂流又東北出逕漪薄澗北漪水亦出方山流入平壽縣積而爲渚水盛則北注東南流屈而東北流逕平壽縣故城西而北入丹水謂之魚合□丹水又東北逕望臺東東北注海蓋亦縣所氏者也

又北過臨朐縣東

水經注

卷二十六

六

巨洋水自朱虛北入臨朐縣熏冶泉水注之水出西谿飛泉側瀨於窮坎之下泉谿之上源麓之側有一祀目之爲冶泉祀按廣雅金神謂之清明斯地蓋古冶官所在故水取稱焉水色澄明而清冷特異淵無潛石淺鏤沙文中有古壇參差相對後人微加功飾以爲嬉遊之處南北邃岸凌空疎水交合先公以太和中作鎮海岱余總角之年持節東州至若炎夏火流閑居倦□提琴命友嬉娛永日桂筍尋泮當作桂波輕林委浪琴歌旣洽懽情亦

□云淵無□  
□可對潭不  
□皆是形  
□水色清照  
□古獨絕

朋 跟

暢是焉棲寄。實可憑衿。小東有一湖佳饒鮮筍。匪直芳齊芍藥。實亦潔並飛鱗。其水東北流入巨洋。謂之熏冶泉。又逕臨朐縣故城。東城古伯氏駢邑也。漢武帝元朔二年封菑川懿王子劉奴爲侯國。應劭曰臨朐山名也。故縣氏之朐亦水名。其城側川臨朐。是以王莽用表厥稱焉。其城上下泚水。悉是劉武皇北伐廣固營壘所在矣。巨洋又東北逕委粟山東孤阜。委立形若委粟。又東北洋水注之。水西出石膏山西北石澗口。東南逕逢山下祠西。

水經注

卷二十六

七

洋水又南東歷逢山下卽石膏山也。麓三成壁立直上。山上有石鼓鳴。則年凶郭緣生續述征記曰逢山在廣固南三十里有祠并石鼓齊地將亂石人輒打石鼓聞數十里。洋水歷其陰而東北流。世謂之石溝水。東北流出於委粟山北而東注于巨洋。謂之石溝口。然是水下流亦有時通塞。及其春夏水泛川瀾無輟。亦或謂之爲龍泉水。地理志石膏山洋水是出也。今於此縣唯是瀆當之似符羣證矣。巨洋又東北得邳泉。曰泉源西出平地東流。

注于巨洋巨洋又北會建德水水西發逢山阜而東流入巨洋水也

又北過劇縣西

巨洋水又東北合康浪水水發縣西南嶼山無事樹木而員峭孤峙巘岼分立左思齊都賦曰嶼嶺其左是也康浪水北流注於巨洋巨洋又東北逕劇縣故城西古紀國也春秋莊公四年紀侯不能下齊以與弟季大去其國違齊難也後改曰劇故魯連子曰胸劇之人辯者也漢文帝十八年別爲

水經注

卷二十六

八

菑川國後并北海漢武帝元朔二年封菑川懿王子劉錯爲侯國王莽更之愈縣也城之北側有故臺臺西有方地晏謨曰西去齊城九十七里耿弇破張步於臨淄追至巨洋水上舊本作巨昧僵尸相屬

卽是水也巨洋又東北逕晉龍驤將軍幽州刺史辟閭渾墓東而東北流渾側有一墳甚高大時人咸謂之爲焉陵一作馬陵而不知誰之丘壟也巨洋水

又東北逕益縣故城東王莽更之滌蕩也晏謨曰南去齊城五十里司馬宣王伐公孫淵北徙豐人



住於此城遂改名爲南豐城也又東北積而爲潭  
枝津出焉謂之百尺溝西北流逕北益都城也漢  
武帝元朔三年封菑川懿王子劉胡爲侯國又西  
北流而注于巨淀矣當作巨洋  
又東北過壽光縣西

巨洋水自湖東北流逕縣故城西王莽之翼平亭  
也漢光武建武二年封更始子鯉爲侯國城之西  
南水東有孔子石室故廟堂也中有孔子像弟子  
問經旣無碑誌未詳所立巨洋又東北流堯水注

水經注

卷二十六

九

之水出劇縣南有崩山卽故義山也俗人以其山  
角因名爲角崩山亦名爲角林山皆世俗音譌也  
水卽蕤水矣地理志曰劇縣有義山蕤水所出也  
北逕嶼山東俗亦名之爲青水矣堯水又東北逕  
東西壽光二城間應劭曰壽光縣有灌亭杜預曰  
在縣東南斟灌國也又言斟亭在平壽縣東南平  
壽故城在白狼水西今北海郡治水上承營陵縣  
之下流東北逕城東西入別畫湖亦曰朕懷湖湖  
東西二十里南北三十里東北入海斟亭在漑水

朱云薛瓚駁其非道元證其是文殊淹雅清辯故鄙注不獨取其

正該博

譚云二語凶  
異報應俱

東水出桑犢亭東覆甌山亭故高密郡治世謂之  
 故郡城山謂之塔山水曰鹿孟水亦曰戾孟水皆  
 非也地理志曰桑犢故亭北海之屬縣矣有覆甌  
 山漑水所出北逕斟亭西北今日狼水按地理志  
 北海有斟縣京相璠曰故斟尋國禹後西北去灌  
 亭九十九十當作九里恐亦誤耳漑水又北逕寒亭西  
 郡國志曰平壽在斟灌東薛瓚漢書集注云按汲  
 郡古文相居斟灌東郡灌是也明帝以封周後改  
 曰衛斟尋在河南非平壽也又云太康居斟尋羿  
 水經注

卷二十六

十

亦居之桀又居之尚書序曰太康失國兄弟五人  
 徯于河汭此即太康之居為近洛也余考瓚所據  
 今河南有尋也衛國有觀土國語曰啟有五觀謂  
 之姦子五觀蓋其名也所處之邑其名曰觀皇甫  
 謐曰衛也又云夏相徙南丘依同姓之諸侯于斟  
 灌斟尋氏即汲冢書云相居斟灌也既依斟尋明  
 斟尋非一居矣窮后既仗善射篡相韓浞亦因逢  
 蒙弑羿即其居以生澆因其室而有豷古通用韓故  
 春秋襄公四年魏絳曰澆用師滅斟灌及斟尋氏

處澆於過處殫干戈是以伍員言於吳子曰過澆  
殺斟灌以伐斟尋是也有夏之遺臣曰靡事羿羿  
之死也逃于隔氏今隔縣也收斟灌尋二國之餘  
燼殺韓浞而立少康濤之有窮遂亡也是蓋寓其  
居而生其稱宅其業而表其邑縱遺文泐禡亭郭  
有傳未可以彼有灌曰謂專此爲非捨此尋名而  
專彼爲是以上推傳應氏之據亦可按矣堯水又  
東北注巨洋伏琛晏謨並言堯嘗頓駕於此故受  
名焉非也地理志曰蕤水自劇東北至壽光入海

水經注

卷二十六

十一

泂其逗

疑作

趣卽是水也

又東北入于海

巨洋水東北逕望海臺西東北流伏琛晏謨並以  
爲平望亭在平壽縣故城西北八十里古縣又或  
言秦始皇升以望海因曰望海臺未詳也按史記  
漢武帝元朔二年封菑川懿王子劉賞爲侯國又  
東北注于海也

淄水出泰由萊蕪縣原山

淄水出縣西南山下世謂之原泉地理志曰原山

淄水所出故經有原山之論矣淮南子曰水出自  
飴山蓋山別名也東北流逕萊蕪谷屈而西北流  
逕其縣故城南從征記曰城在萊蕪谷當路岨絕  
兩山間道由南北門漢末有范史雲爲萊蕪令言  
萊蕪在齊非魯所得引舊說云齊靈公濤萊萊民  
播流此谷邑落荒蕪故曰萊蕪禹貢所謂萊夷也  
夾谷之會齊侯使萊人以兵劫魯侯宣尼稱夷不  
亂華是也余按太無萊柞並山名也郡縣取目焉  
漢高祖置左傳曰興之無山及萊柞是也應劭十

水經注

卷二十六

十二

三州記曰太山萊蕪縣魯之萊柞邑淄水又西北  
轉逕城西又東北流與一水合水出縣東南俗謂  
之家桑谷水從征記名曰聖水列仙傳曰鹿皮公  
者淄川人也少爲府小吏才巧舉手成器岑山上  
有神象人不能到小吏白府君請木工斤斧三十  
人作轉輪造縣閣意思橫生數十日梯道成上其  
巔作祠屋畱止其傍其二間以自固食芝草飲神  
泉七十餘年淄水來山下呼宗族得六十餘人命  
上山半水出盡漂一郡没者萬計小吏辭遣家室

令下山著鹿皮衣升閣而去後百餘年下賣藥齊市也其水西北流注淄水淄水又北出山謂之萊蕪口東北流者也

又東北渦臨淄縣東

淄水自山東北流逕牛山西又東逕臨淄縣故城南東得天齊水口水出南郊山下謂之天齊淵五泉並出南北三百步廣十步山即牛山也左思齊都賦曰牛嶺鎮其南者也水在齊八祠中齊之為

名起於此矣山封大禪書云秦始皇神遊海上天禮祠名

水經注

卷二十六

十三

天齊天齊淵水居臨菑南郊山下平陸監鄉齊之

西境也四萊山陰主祠三山五曰陽主祠之

琅邪地理風俗記曰齊所以為齊者即天齊淵名也

其水北流注於淄水又東逕四豪冢北水南山下有四冢方基員墳咸高七尺東西直列是田氏四王冢也淄水又東北逕蕩陰里西水東有冢一基三墳東西八十步是列士公孫接田開疆古冶子之墳也晏子惡其勇而無禮投桃以斃之死葬陽里即此也淄水又北逕其城東城臨淄水故曰臨

諦核而有情  
致真妙□

譚云此引萊  
侯爭營丘與  
史記文異子  
長直疏後事  
善長隱咎先  
心不得以難  
通病之  
譚云山字宜  
衍不則有脫

淄王莽之齊陵縣也爾雅曰水出其前左為營丘	武王以其地封太公望賜之以四履都營丘為齊	或以為都營陵史記周成王封師尚父于營丘東	就國道宿行遲萊侯與之爭營丘逆旅之人曰吾	聞時難得而易失客寢安殆非就封者也太公聞	之夜衣而行至營丘陵亦丘也 <small>妙接</small> 獻公自營丘徙臨	淄余按營陵城南無水唯城北有一水世謂之白	狼水西出丹山俗謂凡山也東北流山爾雅出前	左之文不得以為營丘矣營丘者山名也詩所謂	水經注	卷二十六	十四	子之營兮遭我乎狃之間兮作者多以丘陵號同	又去萊差近咸言太公所封考之春秋經書諸侯	城緣陵左傳曰遷杞也毛詩鄭注並無營字瓚以	為非近之今臨淄城中有丘在小城內周廻三百	步高九丈北降丈五淄水出其前故有營丘之名	與爾雅相符城對天齊淵故城有齊城之稱是以	安于言始爽鳩氏居之逢伯陵居之太公居之又	曰先君太公築營之丘季札觀風聞齊音曰泱泱	乎大風也哉表東海者其太公乎田巴入齊過淄
---------------------	---------------------	---------------------	---------------------	---------------------	--	---------------------	---------------------	---------------------	-----	------	----	---------------------	---------------------	---------------------	---------------------	---------------------	---------------------	---------------------	---------------------	---------------------

自鏡舊誤作回巴按新序云田巴郭景純言齊之

營丘淄水逕其南及東也非營陵明矣獻公之徙

其猶晉氏深翼居絳非謂自營陵而之也其外郭

卽獻公所徙臨淄城也世謂之虜城言齊潛王伐

燕燕王噲死虜其民寶居因郭以名之當作虜其民實居郭

因以秦始皇三十四年滅齊爲郡治臨淄漢高六

年封子肥於齊爲王國王莽更名濟南也戰國策

曰田單爲齊相過淄水有老人涉淄而出不能行

坐沙中單乃解裘於斯水之上也

水經注

卷二十六

十五

又東過利縣東

淄水自縣東北流逕東安平城北又東逕巨淀縣

故城南征和四年漢武帝幸東萊臨大海三月耕

巨淀卽此也縣東南則巨淀湖蓋以水受名也淄

水又東北逕廣饒縣故城南漢武帝元鼎中封菑

川靖王子劉國爲侯國淄水又東北馬車瀆水注

之受巨淀李云當作淀卽濁水所注也呂忱曰濁

水一名溷水出廣縣爲山世謂之治嶺山東北流

逕廣固城西城在廣縣西北四里四周絕澗岨水

朱云孔廟注  
穆□有詢仰  
之容此注軒  
□之容□然  
□如韓幹貌  
人神情奕奕

水經注

卷二十六

十六

深隍晉永嘉中東萊人曹嶷所造也水側山際有五龍口義熙五年劉武帝伐慕容超於廣固也以藉嶮難攻兵力勞弊河間人玄文說裕云昔趙攻曹嶷望氣者以爲繩水帶城非可攻拔若塞五龍口城當必陷石虎從之嶷請降降後五日大雨雷電震開後慕容恪之攻段龕十旬不拔塞口而龕降降後無幾又震開之舊基猶存宜城修築裕塞之超及城內男女皆悉腳弱病者太半超遂出奔爲晉所擒也然城之所跨實憑地嶮其不可固城

者在此濁水東北流逕堯山東從征記曰廣固城北三里有堯山祠堯因巡狩登此山後人遂以名山廟在山之左麓廟像東面華宇修整帝圖嚴飾軒冕之容穆然山之上頂舊有上祠今也毀廢無復遺式盤石上尚有人馬之跡徒黃石而已唯刀劍之蹤逼真矣至於燕鋒代鏗魏鋏齊銘與今劍莫殊以密模寫知人功所制矣

摸寫謂以蠟摸揭其迹也樹提伽有蜜章亦謂以諸侯然蜜天蠟子燃漆晉書山濤傳有蜜章亦謂以

章蠟也封奏西望胡公陵孫暢之所云青州刺史傅弘



□無□□字  
爲妙玉壺盛  
酒清如空亦  
得此意

譚云妙在疏  
□二字又妙  
在修修眇眇  
□字

仁言得銅棺隸書處濁水又東北流逕東陽城北  
東北流合長沙水水出逢山北阜世謂之陽水也  
東北流逕廣縣故城西舊青州刺史治亦曰青州  
城陽水又東北流石井水注之水出南山頂洞開  
望若門焉俗謂是山爲磬當作頭山其水北流注  
井井際廣城東側三面積石高深一匹有餘長津  
激浪瀑布而下澎轟之音驚川聒谷瀚澹之勢狀  
同洪井北流入陽水余生長東齊極遊其下於中  
闊絕乃積綿載後因王事復出海岱郭金紫惠同

水經注

卷二十六

十七

石井賦詩言意彌日嬉娛尤慰羈心但恨此水時  
有通塞耳陽水東逕故七級寺禪房南水北則長  
廡徧駕舊本作徧駕迥閣承阿林之際則繩坐疏班錫  
鉢閒設所謂修修釋子眇眇禪棲者也陽水又東  
逕陽城東南義熙中晉青州刺史羊穆之築此以  
在陽水之陽即謂城之東陽城世以濁水爲西陽  
水故也水流亦有時窮通信爲靈矣昔在宋世是  
水絕而復流劉晁賦通津焉魏太和中此水復竭  
輟流積年先公除州即任未暮北史酈範字世則  
范陽涿鹿人太武

時給事東宮太武踐祚追錄先朝舊勳賜爵永寧  
男爲征南大將軍慕容容白羅司馬及定三齊範多  
進策白曜皆用其謀遂表  
爲青州刺史進爵爲侯  
是水復通澄映盈川所

謂幽谷枯而更溢窮泉輟而復流矣海岱之士又  
頌通津焉平昌龍民孫道相頌曰唯彼繩泉竭踰  
三齡祈盡珪璧竭窮斯牲道從隆替降由聖明耄  
民河間趙嶷頌云敷化未暮玄澤潛施枯源揚瀾  
涸川滌陂北海郭欽曰先政輟津我后通洋但頌  
廣文煩難以具載楊水又北屈逕漢城陽景王劉  
章廟東東注于巨洋後人竭斷令北注濁水時人

水經注

卷二十六

十八

通謂濁水爲陽水故有南陽北陽水之論二水渾  
流世謂之爲長沙水也亦或通名之爲繩水故晏  
謨伏琛爲齊記並云東陽城旣在繩水之陽宜爲  
繩陽城非也世又謂陽水爲洋水余按羣書盛言  
洋不出臨朐縣而陽水導源廣縣兩縣雖隣川上  
不同於事疑焉濁水又北逕臧氏臺西又北逕益  
城西又北流注巨淀地理志曰廣縣爲山濁水所  
出東北至廣饒入巨淀巨淀之右又有女水注之  
水山東安平縣之蛇頭山從征記曰水西有桓公

冢甚高大墓方七十餘丈高四丈員墳圍二十餘丈高七丈餘一墓方七丈二墳晏謨曰依陵記非葬禮如承世故興其母同墓而異墳伏琛所未詳也冢東山卜女水原有桓公祠侍其衡三字未詳奏魏武王所立曰近日路次齊郊瞻望桓公墳壟在南山之阿請爲立祀爲塊然之主郭緣生述征記曰齊相公冢在齊城南二十里因山爲墳大冢東有女水或云齊桓公女冢在其上故以名水也女水導川東北流甚有神焉化隆則水生政薄則津竭

水經注

卷二十六

十九

燕建平六年水忽暴竭玄明惡之寢病而亡燕太  
上四年女水又竭慕容超惡之燕祚遂淪女水東  
北流逕東平安縣故城南續述征記曰女水至安  
平城南伏流一十五里然後更流注北楊水城故  
鄗亭也春秋魯莊公三年紀季以鄗入齊公羊傳  
曰季者何紀侯弟也賢其服罪請鄗以奉五祀田  
成子單之故邑也史記齊襄王入臨淄封田單爲安平君集解云安平城在青州  
臨淄縣東十九里後以爲縣博陵有平故此加東  
也世祖建武七年封菑川王子劉茂爲侯國又逕

安平城東東北逕壟丘東東北入淀地理志曰菹頭山女水所出東北至臨淄入巨淀又北爲馬車瀆北合淄水又北時繩之水注之時水出齊城西南北二十五里平地出泉卽如水也亦謂之源水因水色黑俗又目之爲黑水西北逕黃山東又北歷愚山山東有愚公冢時水又屈而逕杜山北有愚公谷齊桓公時公隱於谿隣有認其駒者公以與之山卽杜山之通阜以其人狀愚故謂之愚公

水經注

卷二十六

韓非子曰齊桓公入山問父老此爲何谷答曰臣舊畜牛生犢以子買駒少年謂牛不生駒遂持而

去傍隣謂臣愚故名爲愚公谷故山水有石梁亦謂爲石梁水又

有澧水注之水出時水東去臨淄城十八里所謂澧中也俗以澧水爲宿留水西北入于時水孟子去齊三宿而後出澧故世以此而變水名也水南山西有王歟墓昔樂毅伐齊賢而封之歟不受自縊而死水側有田引水溉跡尚存時水又西北逕西安縣故城南本渠也齊大夫雝稟之邑矣左傳作雍廩王莽更之曰東寧時水又西至石洋堰分爲二水謂之石洋口枝津西北至梁鄒入洙時水又北

逕西安城西又北京水系水注之水出齊城西南  
世謂寒泉也東北流直申門西京相璠杜預並言  
申門卽齊城南面西第一門矣爲中池昔齊懿公  
遊申池邴戎庸職二人害公於竹中左傳作邴今  
池無復髣髴然水側尚有小小竹水以時遺生也  
左思齊都賦注申池在海濱齊藪也余按春秋襄  
公十八年晉伐齊戊戌伐雝門之荻己亥焚雍門  
壬寅焚東北二郭甲辰東侵及沂而不言北掠于  
海且晉獻子尚不辭死以逞志何容對仇敵而不  
水經注  卷二十六 二十一

徵暴草木于海嶠乎又炎夏火流非遠遊之辰懿

公見弑蓋是白龍魚遯見困近郊矣遯當作左氏捨

近遺遠考古非議杜預泛言有推據耳系水傍城

北流逕陽門西水次有故封處所謂齊之稷下也

當戰國之時以齊宣王喜文學遊說之士鄒衍淳

于髡田駢接子慎到之徒七十六人皆賜列第爲

上大夫不治而論議是以齊稷下學士復盛且數

百十人劉向別錄以稷爲齊城門名也談說之士

期會於稷門下故曰稷下也鄭志曰張逸問贊云

譚云遯字換  
得好言隱於  
魚井誤也

譚云或爲黍  
□或爲荆棘  
儒地□有此  
二種

我先師棘下生何時人鄭玄答云齊田氏時善學者所會處也齊人號之棘下生無常人也余按左傳昭公二十二年莒子如齊盟于稷門之外漢以叔孫通爲博士號稷嗣君史記音義曰欲以繼蹤齊稷下之風矣然棘下又是齊城內地名左傳定公八年陽虎劫公伐孟氏入自上東門戰于南門之內又戰于棘下者也蓋亦儒者之所萃焉故張逸疑而發問鄭玄釋而辯之雖異名于見大歸一也城內有故臺有營丘有故景王祠卽朱虛侯章

水經注

卷二十六

二十二

譚云家宅一  
□古來無□

廟矣晉起居注云齊有大蛇長三百步負小蛇長百餘步逕於市中市人悉觀自北門所入處也北門外東北二百步有齊相晏嬰冢宅左傳晏子之宅近市景公欲易之而嬰弗更爲誠曰吾生則近市死豈易志乃葬故宅後人名之曰清節里系水又北逕臨淄城西門北而西流逕梧宮南昔楚使聘齊齊王饗之梧宮卽是宮矣其地猶名梧臺里臺甚層秀東西一百餘步南北如減卽古梧宮之臺臺東卽闕子所謂宋愚人得燕石處臺西有石

□□□秀亦  
□□□□□

譚云無戍之  
口恐脫一字

譚云如釋氏  
論家語

杜碑柱一作不碑猶存漢靈帝熹平五年立其題云  
梧臺里系水又西逕葵丘北春秋莊公八年襄公  
使連稱管至父戍葵丘京相璠曰齊西五十里有  
葵丘地若是無戍之僖公九年齊桓會諸侯于葵  
丘宰孔曰齊侯不務修德而勤遠略葵丘不在齊  
也引胡廣汾陰葵丘山陽西北葵城宜在此非也  
余原左傳連稱管至父之戍葵丘以瓜時而往還  
之期請代弗許將爲齊亂故令無寵之妹候公於  
宮因無知之出遂害襄公若出遠無伐寧得謀及  
水經注  卷二十六 二十三  
婦人而爲公室之亂乎是以杜預稽春秋之旨卽  
傳安之注于臨淄西不得捨近託遠苟成已異於  
異可殊卽義爲負然則葵丘之戍卽此地也時水  
西左迤爲潭又西逕高陽僑郡南魏所立也又西  
北流注于時時水又東北流繩水注之水出營城  
東世謂之漢溱水也西北流逕營城北漢景帝四  
年封齊悼惠王子劉信都爲侯國繩水又西逕樂  
安南博昌縣故城南應劭曰昌水出東萊昌陽縣  
道遠不至取其嘉名闕駟曰縣處勢平故曰博昌

□云玄文說  
□武有□水  
□□之語常  
□□爲□索  
□□□水名  
□□小□□  
□□□也

繩水西歷貝丘京相璠曰博昌縣南近繩水有地	名貝丘在齊西北四十里春秋莊公八年齊侯田	于貝丘見公子彭生豕立而泣齊侯墜車傷足於	是處也繩水又西北入時水從征記又曰水出臨	淄縣北逕樂安博昌南界西入時水者也自下通	謂之爲繩也昔晉侯與齊侯宴齊侯曰有酒如繩	指喻此水也時水又屈而東北逕博昌城北時水	又東北逕齊利縣故城北又東北逕巨流縣故城	北又東北逕廣饒縣故城北東北入淄水地理風	水經注  卷二十六 二十四	俗志曰淄入濡淮南子曰白公問微言曰若以水	投水如何孔子曰淄繩之水合易牙嘗而知之謂	斯水矣 <small>淮南子白公語出列子說符 篇及呂氏春秋審應覽俱作淄澗</small>	又東北入于海	淄水入馬車瀆亂流東北逕琅槐故城南又東北	逕馬井城北與時繩之水互受通稱故邑流其號	又東北至皮丘沈入于海故晏謨伏琛並言淄繩	之水合於皮丘沈西地理志曰馬車瀆至琅槐入	于海也蓋舉縣言也
---------------------	---------------------	---------------------	---------------------	---------------------	---------------------	---------------------	---------------------	---------------------	--	---------------------	---------------------	--	--------	---------------------	---------------------	---------------------	---------------------	----------



汶水出朱虛縣泰山

山上有長城西接岱山東連琅邪巨海千有餘里  
蓋田氏之所造也竹書紀年梁惠成王二十年齊  
築防以爲長城竹書又云晉烈公十二年王命韓  
景子趙烈侯及我師伐齊入長城史記所謂齊威  
王越趙侵伐我長城者也伏琛晏謨並言水出縣  
東南嶧山山在小泰山東者也

北過其縣東

譚云元次山  
棲寓處皆名

水經注

卷二十六

二十五

東四十里有嶧亭城故縣也又東北逕管寧冢東  
故晏謨言柴阜西南有魏獨行君子管寧墓墓前  
有碑又東北逕柴阜山北山之東有徵士邴原冢  
碑誌存焉汶水又東北逕漢青州刺史孫嵩墓西  
有碑碣汶山又東逕安丘縣故城北漢高帝八年  
封將軍張說爲侯國地理志曰王莽之誅鄧也孟  
康曰今渠丘亭莒渠丘城是也伏琛晏謨齊記並  
言亭在丘城東北十里非城也城對牟山山之西  
南有孫賓碩兄弟墓碑誌並在也

□而加以山  
□□傍固實  
□是處也  
□云華子魚  
安在

又北過淳于縣西又東北入于縣

故夏后氏之斟灌國也周武王以封淳于公號曰淳于國春秋桓公六年冬州公如曹傳曰淳于公如曹度其國危遂不復也其城東北則兩川交會也

濰水出琅邪箕縣

琅邪山名也越王句踐之故國也句踐并吳欲霸中國徙都琅邪秦始皇二十六年滅齊以爲郡城卽秦王之所築也遂登琅邪大樂之山作層臺於

水經注

卷二十六

二十六

其上謂琅邪臺臺在城東南十里孤立特顯出于衆山上下周二十里餘傍濱巨海秦王樂之因畱三月乃徙黔首二萬戶於琅邪山下復十二年所作臺基三層層高三丈上級平敞方二百餘步高五里刊石立碑紀秦功德臺上有神淵淵主靈焉人汙之則竭齋潔則通神廟在齊八祠中漢武帝亦嘗登之漢高帝呂后七年以爲王國文帝三年更名爲郡王莽改曰填夷矣濰水導源濰山許慎呂枕云濰水出箕屋山淮南子曰濰水出覆舟山

蓋廣異名也東北逕箕縣故城西又西析泉水注之水出析泉縣北松山東南流析泉縣東又東南逕仲固山東北流入于濰地理志曰至箕縣北入濰者也濰水又東北逕諸縣故城西春秋文公十二年季孫行父城諸及鄆傳曰城其下邑也王莽更名諸并矣濰水又東北涓水注之出馬耳山山高百丈上有二石並舉望齊馬耳故世取名焉東去常山三十里涓水發于其陰北逕婁鄉城東春秋昭公五年經書夏莒牟東以牟婁防茲來奔者

水經注

卷二十六

二十七

也又分諸縣之東爲海曲縣故俗人謂此城爲東諸城涓水又北注于濰水

東北過東武城縣西

縣因岡爲城城周三十里漢高帝六年封郭蒙爲侯國王莽更名之曰祥喜矣又北左合扶淇之水水出西南當山東北流注濰晏謨並以濰水爲扶淇之水以扶淇之水爲濰水非也按經脉誌濰自箕縣北逕東武縣西北流合扶淇之水晏謨伏琛云東武城西北二里濰水者卽扶淇之水也濰水

譚云勝火之名雄於不灰

又北右合盧水卽久台水也地理志曰水出琅邪橫縣故山王莽之合丘也山在東武縣故城東南世謂之廬山也西北流逕昌縣故城西東北流齊地記曰東武城東南有盧水水側有勝火木方俗音曰櫟子其木經野火燒死炭不滅故東方朔云不灰之木者也其水又東北流逕東武縣故城東而西北入濰地理志曰久台水出東南逕東武入濰者也尚書所謂濰淄其道矣

又北過平昌縣東

水經注

卷二十六

二十八

濰水又北逕石泉縣故城西王莽之養信也地理風俗記曰平昌縣東南四十里有石泉亭故縣也濰水又北逕平昌縣故城東荆水注之水出縣南荆山阜東北流逕平昌縣故城東漢文帝封齊悼惠王肥子永爲侯國按史記齊悼惠王城之東南角有臺臺下有井與荆水通物墜於井則取之荆水昔常有龍出入于其中故世亦謂之龍臺城也荆水又東北流注于濰水又北浯水注之水出浯山世謂之巨平山也地理志曰靈門縣有高原山

與浯一山按漢地理志云靈門縣有高栢山浯水

所出東北入濰今是山西接浯山許慎說文言水出靈門山世謂之浯汶矣其水東北逕姑幕縣故城東縣有五色土王者封建諸侯隨方受之故薄姑氏之國也闕駟曰周成王時薄姑與四國作亂周公濤之以封太公是以地理志曰或言薄姑也王莽曰季睦矣應劭曰左傳曰薄姑氏國太公封焉薛瓚漢書注云博昌有薄姑城未知孰是浯水又東北逕平昌縣故城北古竭此水以溢漑田南

水經注

卷二十六

二十九

注荆水浯水又東北流而注于濰水也

又北過高密縣西

應劭曰縣有密水故有高密之名也然今世所謂百尺水者蓋密水也水有二源西源出奕山亦曰鄆曰山晏謨曰山狀鄆曰是有此名伏琛曰山上鄆曰故名鄆曰山也其水東北流東源出五弩山西北流同瀉一壑俗謂之百尺水古人竭以漑田數十頃北流逕高密縣西下注濰水自下亦兼通稱焉亂流歷縣西碑產山西又東北水有故堰舊

鑿石豎柱斷濰水廣六十許步掘東岍激通長渠  
東北逕高密故城南明帝永平中封鄧震爲侯國  
震子鄧禹縣南十里蓄以爲塘方二十餘里古所謂  
高密之南都也溉田一頃詐陂水散流下注夷安  
澤濰水自堰北逕高密縣故城西漢文帝十六年  
別爲膠西國宣帝平始元年更爲高密國王莽之  
章牟也濰水又北昔韓信與楚將龍且夾濰水而  
陣於此信夜令爲萬餘囊盛沙以遏濰水引軍擊  
且僞退且追北信決水水大至且軍半不得渡遂  
元年復也

又北過淳于縣東

濰水又北左會汶水北逕平城亭西又東北逕密  
鄉亭西郡國志曰淳于縣有密鄉地理志皆北海  
之屬縣也應劭曰淳于縣東北六十里有平城亭  
又四十里有密鄉亭故縣也濰水又東北逕下密

水經注

卷二十六

三十

譚云恥而隱  
隱而學微而  
佯狂方是有  
大節人方是  
有作用人

縣故城西城東有密阜地理志曰有三石山祠余  
按應劭密者水名是有下密之稱俗以之名阜非  
也

又東北逕都昌縣東

澠水東北逕逢萌墓萌縣人也少有大節耻給事  
縣亭遂浮海至遼東復還在不其山隱學明帝安  
車徵萌以佯狂免又北逕都昌縣故城東漢高帝  
六年封朱軫爲侯國北海相孔融爲黃巾賊管亥  
所圍於都昌也太史慈爲融求救劉備持的突圍

水經注

卷二十六

三十一

其處也

見吳志

又東北入于海

膠水出黔陬縣膠山北過其縣西

齊記曰膠水出五弩山蓋膠山之殊名也北逕祝  
茲縣故城東漢武帝元鼎中封膠東康王子延爲  
侯國又逕扶縣故城西地理志琅邪之屬縣也漢  
文帝元年封呂平爲侯國膠水又北逕黔陬故城  
西袁崧郡國志曰縣有介亭地理志曰故介國也  
春秋僖公九年介葛盧來朝聞牛鳴曰是生三犧

譚云一推一  
拒安見不合

水經注

卷三十六

三十二

郟

縣音夫今地志作郟音扶

王莽更之純德矣疑卽是縣

所未詳也

又北過夷安縣東

縣王莽更名之曰原亭也應劭曰故萊夷邑也太

史公曰晏平仲萊之夷維之人也漢明帝永平中

封鄧珍爲侯國

禹珍子鄧

西去濰水四十里膠水又北

逕膠陽東晏伏並謂之東亭自亭結路南通夷安

地理風俗記曰淳于縣東南五十里有膠陽亭故

縣也又東北逕左會一水世謂之張奴水水發夷

拒艾水出焉

宋本作拒縣注云按前漢地理志云琅

音云拒

東入海卽斯水也今膠水北逕晏伏所謂西

黔陬城東高密郡側有黔陬縣地理志曰膠水出



安縣東南阜下西北流歷膠陽縣注于膠水之左  
東北爲澤水渚百許里謂之夷安潭潭之澤周四  
十里亦濊水枝津之所注也膠水又東北逕下密  
縣故城東又東北逕膠東縣故城西漢高帝元年  
別爲國景帝封子寄爲王國王莽更之郁秩也今  
長廣郡治伏琛晏謨言膠水東北廻達于膠東城  
北百里流注于海

又北過當利縣西北入于海

縣故王莽更之東萊亭也又北逕平度縣漢武帝

水經注

卷二十六

三十二

元朔二年封菑川懿王子劉衍爲侯國王莽更名  
之曰利盧也縣有土山膠水北歷土山注于海海  
南土山以北悉鹽坑坑北坑玉篇作坑義臣音亢云還兵入  
豆作子又齷討作賊譌寫相承修煮不輟北眺巨海香冥  
無極天際兩分白黑方別所謂之溟海者也故地  
理志曰膠水北至平度入海者也

□經注卷二十六

□云三語可  
□□□一□  
□譚云摹寫勝